

書名 空同先生集六十三卷 嘉靖九年序刊本
撰者 明 李夢陽 撰
卷 卷九
內容分類 集-別集-明中葉
索書號 倉石:40084
編號 4008000



卷九

空同先生集卷第一

賦一十首

疑賦

思賦

省愆賦

緒寓賦

俟軒子賦

一十首

疑賦

鈍賦

述征賦

宣歸賦

寄兒賦

竹石賦

[彩色首頁1](#)

[東洋文化研究所漢籍目錄 編號: 4008000](#)
[東洋文化研究所漢籍目錄所藏漢籍善本全文影像資料庫 索書號: 倉石:40084](#)
[漢籍善本全文影像資料庫文本空同先生集六十三卷 嘉靖九年序刊本](#)
版權所有: [東京大學](#) [東洋文化研究所](#)
[使用上的注意事項](#)

乾坤高卑易矣。星辰在下。江河逆矣。天喬喬天。

北郡李夢陽撰



空同先生集卷之八

空同先生集卷第九

北郡李夢陽撰

詩 五言古詩四十六首

感述一十一首

雜詩六首 發京師二首

七哀詩 與客問答二首

贈寄三十五首

衛上別王子二首 贈徐禎卿

贈王舍人昇二首 又贈王舍人四首

贈劉氏五首 贈徐陸二子

申州贈何子 寄康脩撰海二首

贈王生滇南

送姪木北上

送秦氏

送谷氏

別李氏二首

贈甯氏二首

送閔氏

長歌行贈房氏二首

憶昔行別閻俶

贈沈氏二首

送蔡帥備真州三首

感述一十一首

雜詩六首

燁燁雲中電流光西北馳僕夫夙嚴駕吾欲遠游之
出門履微霜四顧何茫茫豺狼當路達鴟鴞薄雲翔
改轍理方舟欲逝川無梁俛仰歲將宴愴惻涕沾裳

二

西國有佳人獨立青雲端容豔若桃李左右佩芳蘭
含思理玉琴泠泠一何閑更節有餘悲曲終再三嘆
借問嘆者誰中意難自宣沉吟攬衣帶仰視鳴鶴翻
思阻望不申何況隔丘山

三

稅椽蝕以傾梁棟誠獨難流言播四國周公有疑患
涼飈激顏景奄忽不可攀衆羽日續紘朱鳥戢其翰
殺身苟無益去去從所安傷哉式微詩千載起余嘆

四

明月照我懷耿耿殊未已霜雪委如山悲風中夜起

攬衣仰天嘆涕墮不可止
卞生抱荆玉捐軀剖終始
青蠅倏來集白黑反在此
城闕屹九重浮雲日千里
我欲竟此曲此曲悲且苦

五

淒霜變為電二氣斂而藏
天道有代謝人謀豈恒臧
北杓酌元化亭亭自低昂
上帝棲紫宮衆緯錯以行
謂山蓋高有梯可陟謂淵
蓋深有舟可涉自非雙黃
鵠天路安可躡

六

茅以韜為席柏以勁為薪
君子憂治世愚者幸不辰
張豈以待兔雉也蓄其身
物理雖云殊惟脫各有因

浮沙卷奔霍朔吹揚驚塵
日暮臨大道悵望曷能陳

發京師二首

正德二年春二月作是時與職方王子同放歸田里

驅車彰義門遙望郭西樹
冠蓋耀青雲車馬夾廣路
威風何赫奕各蒙五侯顧
回飈動地起白日倏已暮
京擲委蔓草榮華若朝露
良無金石交人生豈常故
締綈足禦冬誰念紉與素
愾彼白華篇氣結不能愬

二

萋蘿附松柏枝葉固相因
行子戀儔匹况遇同鄉親
北風起河梁日暮多飛塵
携手同車歸駕言西適秦
道遠長渴飢客子懷苦辛
仰瞻天漢流夜永不得晨
驂馬媚其曹鳴鴈各求群
明星出東方照見車下人

夙興即往道登彼高路津還顧望京邑愴焉何所陳

七哀詩

問客何方來四月發回中繁霜墮百草樹木如寒冬
客行一何遙客顏一何憔悴舉目望關山關山鬱蕭條
少壯盡乘邊崖谷何寥寥戰馬不解鞍弓矢常在腰
碩鼠走空倉城上狐狸跳咄咄勿復陳更問北來人
六月天雨霜哀哉生不辰

與客問答二首

門有萬里客顏面帶風霜左右佩雙鞬意氣何揚揚
問客何州士逝將之何方客亦不顧云但言開中堂
手持一書札口口稱故鄉長跪受書札草字八九行

上言親戚故下言別離傷

長跪牽客裾故鄉今何如客起長跪言故鄉不可居
墳壠既蕪沒寧復識田廬隣巷鮮故人族屬半丘墟
巖巖高山谷今爲官路衢主人聆客言涕泗交漣如
離鄉三十載小女爲人姑適者日以親遠者日以疎
狐狸知故穴牛馬知故陸願爲連理樹托根北山隅
贈寄三十五首

衛上別王子二首

晨風應候至雞鳴各嚴車我今游宋中子當旋舊閭
僕夫理前綏轅馬悲鳴趨一別阻秦周相望萬里餘

首春霜露重厚汝征衣襦昔為同袍士今在天一隅
故者日以遠疇能察區區

二

稅車朝歌里送子輝冰陽群鴈起高飛凌風各分翔
敦交多故懷况乃憂故鄉征夫愁短日去馬知路長
童童孤生柏結根南山旁願言采此柏遺我心所當
良無白鵠翼何以得高頰

贈徐禎卿

獨處忽不懌攬衣循東廂樹木何修修春風起飄揚
我友駕在門告言適江湘倉皇挈玉壺追送臨河陽
顧瞻兩飛鳧並戲水中央翩翩厲羽翮鳴聲一何長

柰何游客子一別永相望時澤亮有周天命固其當
薄終義所劣別離庸詎傷懿彼回路贈慷慨申此章

贈王舍人昇二首

迅風激高雲朝日照嘉林良友忽遠適惻愴摧我心
川原望靡極江路浩且深殊域寡親戚孤子故難任
荼蓼積愈苦淚下不可禁

二

攬淚瞻林木鞞鞞敷華葉層闐帶廣陌車馬暮相接
駢裾侈高會誰念獨守妾豈不思方舟川廣不可涉
葑菲遺下體舉世重紅頰勸子且寧志為恩孰周浹
又贈王舍人四首

送美城東陌還車望上陽觀闕百餘尺蓉城鬱相望
同在天一隅子今旋舊疆縱子故所居我馬立徬徨

二

徬徨亦何爲悵望遠行客枯桑號天風時節倏復易
簪紱匪我榮棄置安所惜願爲東南風遂附高翔翮

三

勁翮無群棲靈根豈叢蓍人生非苦匏安得常相見
動息各有因况乃異鄉縣徘徊岐路側仰視雲中鴈

四

鴈征會來歸君行何日返驚風飄馳光歲月忽已晚
登山采白苓遺我心繾綣上言制頽齡下言助餐飯

贈劉氏五首

哲哲吳中娥奕奕宛清揚邂逅此堂隅瞻顧兩回翔
攘袖發皓齒列坐無高倡行雲爲徘徊順風託馨香
周席莫不嘆側目在流光何意芳盛年峻義明秋霜
於禮誠銷薄銀漢徒相望

二

矯矯雲中鵠忽忽晨南翔連翩客游子駕言逝何方
霜露日夜零東路悠且長意欲從子逝我馬玄以黃
徒思諒無益欲置難遽忘愛子千金軀雙親在高堂

三

埋輪國東門駕舟越洪洋晨發天北隅日夕至建康

皇居槃太清陵樹何蒼蒼白馬服衡軛飄飄過路傍
敦交豈獨薄貧賤多顧藏所志在寧親榮耀乃其常

四

青陽獻嘉歲玄鳥鳴我堂遠子念行役驅車發南疆
豈不誠辛苦王事切中腸駢駢沂原薄拊劔何慨慷
群形冒休澤朽榦揚朱芳君子法天造小人曷能臧

五

回車太行谷結轡登羊腸羊腸何崔嵬俯視見大江
大江日東注游子悲故鄉故鄉復迢遞欲濟河無梁
晨起振我纓駕言行朔方丈夫貴榮名臨路徒離傷

贈徐陸二子

徐名縉字子容姑蘇人陸即深也

清晨思行游駕車郭西門疑霜被野陸莽莽多荆榛
霖雨不歸川四顧無行人何意岐路側悵然獲所親
晤言不須申含意俱未申雲間富才傑具區產名珍
一爲時所知光耀在青雲情交苟不少窮顯非所論
感激平生義匪爾誰當陳

申州贈何子

翩翩雙黃鵠凌風各將去哀鳴岐路側一步一回顧
何異同心子失散在中路別君條五載我髮忽已素
今逢不須臾趨駕一何遽臨分但踟躕道語不及故
山川何悠悠白日奄欲暮努力愛玉體慰我長思慕

寄康修撰海二首

晨步城西岡遙望終南岑荆棘高蔽天白曜翳以陰
雞食鸞鳳飢蛾眉讒妬深葑菲遺下體一別成飛沉
出門眺四郊莽莽悲風吟海水有可測傷哉誰諒心
二
少陰盛霜雪崎阻鴻鴈饑荷斧入林谷日暮誰共歸
林樹窈冥冥徑路多虎羆北斗橫塞岑邨野風振悲
欲往河無梁念子忽如迷榮耀在須臾亡沒誰復知
思附玄鶴翼從子以高飛

贈玉生滇南

人生如枯蓬團團隨風轉朝猶同一隅夕暮異鄉縣
鳳凰擇林遊奮翼思高飛一飛萬餘里路澁常苦飢
岑巒造青天蹊磧何萎移食尋竹實餐棲必梧桐棲
德音倘不噉慰我心所期

送姪木北上

群鴉競時食孤鴻獨高翔丈夫四海心誰能安舊疆
杖劔辭所親策馬登前岡歲晏霜露繁原野何茫茫
草枯禽獸飢潢潦浩以長感吟悲蒹葭試鳴候朝陽
勗哉樹名勲念茲西頽光

送秦氏

秦名文字從簡台州人

健足慕千里倦翮常卑安陶子重折腰貢生乃彈冠
黃龍日南游長江浩瀾瀾竹實匪不甘鳳孤誰為歡
故廬倚青松懸崖激鳴湍返真謝形役庶以成盤桓

送谷氏

零雨晨微微艾葉何旒旒端居輟中憂駕言送征邁
黃河流湯湯飛雲下燕代臨汀羅觴俎趨景徒傾蓋
轅馬望路鳴僕夫整衣帶孰非金章客子也獨所愛
行行樹聲猷及此明良會

別李氏二首

逸禽耻淹棲良駟競先步出門有行游諸所豈得顧
辭燕戀舊壘渚鴈企高鶩情雖誠有狎心期固其素
匪無便僂子新人不逮故踟躕野飈夕分手即前路

二

前路乃何之迢迢夢雲澤霖雨暮戢戢囑子且停輶

隕籜委川徑潢潦浩以白熒熒雙龍劍佩服我所惜
水行蛇虫匿陸邁虎兇辟願言奉心懽庶與備朝夕

贈甯氏二首

野苴萎平畛寒露一何早疑霜一以零蘭蕙亦衆草
美人中夜興憂心怒如擣玉石誠靡別妍華恃疇保
瑟瑟谷中松見者豈不寶良無匠氏顧嘆息歲將老

二

白日何冥冥送子黃河陽執手無一言仰見雙鴈翔
處卑心罔怡奮飛多中傷撫劍兩踟躕低頭涕沾裳
天運有銷盈志士懷剛腸去去愛景耀離別固其常

送閔氏

怛怛困暑溽悠悠抱中戚時蟬邇戶響流汗揮復積
登高散我憂忽覲遠行客爲問客者誰是我心所懌
律律佇征雲迢迢逐歸翮孰無室家念忖爾懽聚夕
伊余胡寡仇熒熒痛離析

長歌行贈房氏二首

捷步競先鳴達人貴沈幾鴻鵠翅摩天於世常高飛
煌煌冠蓋朝踈也乃獨歸誰云傷秋子而爲鱸魚肥
彼哉粉榆儔豈知千仞輝

二

瀾瀾夏川廣驚風夕揚波眷言送誠歸軒騎匝中阿
倦鳥故林趨獸離懷前窠君看纍纍實豈復華其柯

皓首聲利途攸見無乃頗

憶昔行別閩俶

憶昔少年時遨遊咸陽都邂逅塵埃裏相邀入酒壚
半酣擊劒起挾彈青門隅風蓬離本根奄忽浮雲徂
聚散良靡期晤言誰復圖濛濛零雨辰悠悠梁園途
翩翩白馬鳴藹藹朱華敷昔逢美姿顏今也白頭顱
中藏難遽宣相看但捋鬚前路浩崎嶇愛子衰暮軀

贈沈氏二首

辭馬鳴故群羈人戀心知身也匪本石孰無懷與思
藹藹軒蓋途才捷競先時冥冥歸林翮爰集非無枝
龍蛇悟易訓蟋蟀感唐詩情感辰靡延把袂竟河涯

贈子金錯刀申子古別離德愛誠匪他
君豈無期

二

旦日子當發淹留復今宵良乏美盤餐為君品鳴簫
君子巖下松霜霄顏不消眾草苟移時化為艾與蕭
聆曲覆不憚倦焉傷迢遙携手步前庭仰面看招搖
巢子潛箕陽四岳俞唐堯願言修九苞曳佩鳴天朝

送蔡帥備真州三首

晨颺下巖霜波水白浩浩雞鳴人語動趨駕恨不早
出門望原野四顧但衰草芒碭一何寥驚鴈鳴寒蓼
老驥志千里烈士輕遠道臨事毋謂難為善豈在小


二

颺舟逾長淮登陴望大江氣勢何鬱盤皇矣真我邦
宮殿槩高濶鍾山變青蒼橫颺靜霜夕天塹如沸湯
時平智士拙貨賤良賈藏無言邊境勲寧居亦慨慷

三

墮霜凋楓林澤藪莽虞虞結徒策青驪行狩聊我娛
左發殪玄兕右捎仆文駮插羽坐草間飲附炙鮮腴
川光夕明滅鴈驚風叫呼立馬千仞岡仰送浮雲徂
彈劔問所私何如李金吾

空同先生集卷第九





馬國圖

